



Petrič: Pozitivna uloga

Ličnost dana

Wolfgang Petrič

Hrabri borac za ljudska prava

Nagradom Fondacije „Pro Europa“ odatu mu priznanje za zasluge ostvarene dok je bio na čelu OHR-a

Bivši visoki predstavnik za BiH Wolfgang Petrič (Wolfgang Petritsch) dobitnik je ovogodišnje evropske nagrade za ljudska prava koju dodjeljuje Fondacija „Pro Europa“. Time mu je odatu priznanje za zasluge u borbi za ljudska prava tokom mandata u OHR-u.

Petriča, koji je i nakon završetka svoje misije ostao vezan za BiH, domaći političari pamtit će kao međunarodnog protektora koji se, kao nijedan prije njega, nije libio upotrijebiti neograničene bonske ovlasti, smjenjivati one koji su vršili

opstrukcije i donositi ključne zakone. Njegova uloga u BiH prepoznata je kao pozitivna i usmjerena ka borbi za ljudska prava. Pored njega, istu nagradu dobili su i Tadeuš Mazovjecki i Bernar Kušner.

Rođen je 1947. u Klagenfurtu. Doktorirao je u Beču 1972. godine. Za austrijskog ambasadora u Beogradu imenovan je 1997. godine. Bio je i predstavnik Evropske unije na pregovorima o Kosovu u Rambujeu i Parizu. Od jula 1999. do 27. maja 2002. bio je visoki predstavnik međunarodne zajednice u BiH. *T. L.*